

Ո Ր Ո Շ ՈՒ Մ N 308/1
/վարչական տույժ նշանակելու մասին/

«12» մարտի 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Դիսթրիբյուս» ՍՊ ընկերության (ՀՎՀՀ՝ 00088313, հասցե՝ ք. Երևան, Նոր Նորք, Միկոյան փող. 17/2) տնօրեն Նարինե Աթյանի (անձնագիր՝ AM 0504032) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Դիսթրիբյուս» ՍՊ ընկերության անվամբ թիվ 05100010/040420/0018778 ապրանքների հայտարարագրով «Ժամանակավոր արտահանում» մաքսային ընթացակարգով՝ մինչև 02.01.2021թ., Հայաստանի Հանրապետությունից արտահանվել է 2,800,000 հատ ծխախոտի ՀՀ ակցիզային դրոշմանիշներ: Սահմանված ժամկետում ակցիզային դրոշմանիշների մնացորդ 1,512 հատը չի վերաներմուծվել, որի արդյունքում խախտվել է հետադարձ ներմուծման պարտավորությունը:

ՀՀ ՊԵԿ Արարատյան մաքսատուն-վարչության ԳՀՀ բաժնի ավագ մաքսային տեսուչի կողմից 25.02.2021 թվականին «Դիսթրիբյուս» ՍՊ ընկերության տնօրեն Նարինե Աթյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ գործի քննությունը նշանակվել է 12.03.2021 թվականին ժամը 10:00-ին, ինչի անցկացման վայրի և ժամանակի մասին պատշաճ կարգով ծանուցվել է «Դիսթրիբյուս» ՍՊ ընկերության տնօրեն Նարինե Աթյանը, սակայն չի ներկայացել:

ԵԱՏՄ մաքսային օրենսգրքի 227-րդ հոդվածի 1-ին մասի համաձայն՝ «Ժամանակավոր արտահանում» մաքսային ընթացակարգը Միության ապրանքների նկատմամբ կիրառվող մաքսային ընթացակարգ է, որին համապատասխան նման ապրանքներն արտահանվում են Միության մաքսային տարածքից՝ դրա սահմաններից դուրս դրանց գտնվելու և օգտագործվելու համար՝ առանց արտահանման մաքսատուրքեր վճարելու՝ պահպանելով այդ մաքսային ընթացակարգով ապրանքների ձևակերպման և այդպիսի մաքսային ընթացակարգին համապատասխան դրանց օգտագործման պայմանները:

Նույն օրենսգրքի 228-րդ հոդվածի 2-րդ մասի 1-ին կետի համաձայն՝ ապրանքները՝ «Ժամանակավոր արտահանում» մաքսային ընթացակարգին համապատասխան օգտագործելու պայմաններն են՝ մաքսային մարմնի կողմից սահմանված՝ «Ժամանակավոր արտահանում» մաքսային ընթացակարգի գործողության ժամկետի պահպանումը:

Իսկ 231-րդ հոդվածի 1-ին մասի համաձայն՝ մինչև «Ժամանակավոր արտահանում» մաքսային ընթացակարգի՝ մաքսային մարմնի կողմից սահմանված գործողության ժամկետի լրանալը՝ այդ մաքսային ընթացակարգի գործողությունն ավարտվում է ժամանակավորապես արտահանված ապրանքները «վերաներմուծում»

մաքսային ընթացակարգով ձևակերպելով՝ բացառությամբ սույն հոդվածի 4-րդ կետի 2-րդ ենթակետով նախատեսված դեպքի:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Հայտարարագրված 2,800,000 հատ ծխախոտի ՀՀ ակցիզային դրոշմանիշների մաքսային արժեքն՝ ըստ հայտարարագրի կազմում է 10,080,000 դրամ (Հատը 3.6 դրամ), հետևաբար «Ներքին սպառման համար բացթողում» մաքսային ընթացակարգով դրանց մնացորդ 1,512 հատը հայտարարագրելիս մաքսային վճարների չափը չի կարող ավել լինել, քան 100,000 դրամը:

Այսպիսով, վարույթի նյութերով հիմնավորվում է, որ «Դիսթրիմէքս» ՍՊ ընկերության տնօրեն Նարինե Աթյանը սահմանված ժամկետում չի վերաներմուծել 05100010/040420/0018778 ապրանքների հայտարարագրով ժամանակավոր արտահանված ծխախոտի ՀՀ ակցիզային դրոշմանիշներից 1,512 հատը, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար «Դիսթրիմէքս» ՍՊ ընկերության տնօրեն Նարինե Աթյանին ենթարկել վարչական պատասխանատվության՝ տուգանելով **50,000 ՀՀ դրամ**:
2. Որոշման մասին հայտնել «Դիսթրիմէքս» ՍՊ ընկերության տնօրեն Նարինե Աթյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ

մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված տուգանքի վճարման հաշվեհամարն է 900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ